

# ТОШКЕНТ ҲАҚИҚАТИ

1928 йил 11 декабрда асос солинган

## МАКТАБНИ МАКТАБ ҚИЛАДИГАН КУЧ

Эшитмадим, деманглар!

2019 йил 16 сентябрь куни Олий Мажлис Қонунчилик палатасининг навбатдаги мажлиси бўлиб ўтди. Унда депутатлар халқимизнинг узоқ йиллик қадриялари ва аъённаларини ўзида акс эттирган тўйлар, оилавий тантаналар, маърака ва маросимлар, марҳумларнинг хотирасига бағишланган тадбирларни ўтказиш масалаларини муҳокама қилдилар.

### Энди тўй ва бошқа маросимларимиз қандай ўтади?

Таъкидланганидек, жорий йилнинг 14 сентябрь куни Олий Мажлис Қонунчилик палатаси ва Сенати Кенгашларининг қўшма мажлиси ўтказилди. Унда тўйлар, оилавий тантаналар, маърака ва маросимларни ўтказиш билан боғлиқ муносабатларни тартибга солиш мақсади аъзолари томонидан аҳолига мувофиқ деб топилди.

Олий Мажлис палаталари Кенгашларининг қўшма қарори билан тасдиқланган Низомга мувофиқ, тўйлар, оилавий тантаналар, маърака ва маросимлар фақат бир кун (дафн этиш маросими бундан мустасно) соат 06:00 ва 23:00 оралиғида ўтказилади. Худудларнинг шароитларидан келиб чиқиб, Халқ депутатлари туманлар ва шаҳарлар Кенгашлари томонидан ош бериш маросимининг вақти алоҳида белгиланади. Соат 23:00 дан кейин тўйлар, оилавий тантаналар, маърака ва маросимларни давом эттиришга йўл қўйилмайди.

Шунингдек, тўйлар, оилавий тантаналар, маърака ва маросимларда

200 нафаргача, мазкур тадбирлар муносабати билан ош бериш маросимида 250 нафаргача киши қатнашади. Қўшалоқ тўйларда 250 нафаргача, у билан боғлиқ ош бериш маросимида 300 нафаргача киши иштирок этиши мумкин.

Мажлисида таъкидланганидек, дафн этиш ва мотам маросимлари кўпи билан уч кун мобайнида чекланмаган миқдордаги фуқаролар иштирокида ўтказилиши мумкин, ош бериш маросими бундан мустасно. Миллий аъённаларга ёт, одоб-ахлоқ қоидаларига зид бўлган турли шуюларни, ортиқча вақт ва харажат талаб қиладиган тўйлар, оилавий тантаналардан олдинги, тадбир давомидаги ва ундан кейинги қўшимча расм-русумларни ўтказишга йўл қўйилмайди.

Оилавий тадбирларнинг дабдабасиз, камхарж ва ихчам, шунингдек, Низом талабларига мувофиқ ўтказилиши учун биринчи навбатда маҳалла фуқаролар йиғинлари раислари ва ички ишлар органлари профилактика инспекторлари шахсан масъул ҳисобланади.

Давоми 2-бетда ➡

Бугунги кунда вилоятимизда мингдан ортиқ мактаб, лицей, коллеж ва олий ўқув юртлири фаолият юритмоқда. Узоқ қишлоқ ва тоғли ҳудудларда ҳам замонавий илм даргоҳларини кўриб қўзинг қувонади. Бу масканларда ёшларга таълим-тарбия бераётган фидойи устозлар ҳақида қанча гапирсак ҳам оз.

Ўқитувчи ва мураббийлар куни олдида



Улар орасида Янгийўл туманидаги 10-умумтаълим мактаби раҳбари Гулнора Аҳмедгалеева ҳам муносиб ўрин эгаллайди. Қарийб, 35 йилдан бери ёш авлодга таълим-тарбия бериб келаётган бу аёл туманда катта ҳурмат қозонган.

Бугунги кунга келиб, мактабимизда 2 минг 600 та бола таҳсил

олади, — дейди Г. Аҳмедгалеева. — Давлатимиз томонидан ўғил-қизларимизга замон талабларига жавоб бериш шароитлар яратилган. Айтиш жоизки, ўтган ёз мавсуми давомида мактабимиз қайтадан таъмирланди. Вилоят ҳокимлиги ҳомийлигида янги иситиш тизими ўрнатилди, 36 та ўқув синфлари замонавий жиҳозлар, ахборот коммуникация воситалари билан таъминланди. Қўли гул бунёдкорларимиз гайратшижоати билан ошхона, кутубхона, 2 та спорт майдони қайта таъмирланди, теннис корти барпо этилди. Ҳозирги кунда 300 кишига мўлжалланган янги ўқув биноси, футбол майдончаси ва китоб сақлаш омбори қурилмоқда.

Мактаб синфхоналарини айланар эканмиз, бу ерда фарзандларимиз инглиз ва рус тилларида таълим олаётганининг гувоҳи бўлдик. Янги мебеллар билан жиҳозланган синфларда телевизор, DVD-плеер, компьютер ва бошқа техника воситаларини кўриш мумкин. Меҳнат тарбияси хонасига эса янги металл ва ёғочни қайта ишловчи ускуналар, тикув машиналари келтирилди.

Гулнора Аҳмедгалеева кўп йиллардан буён рус тили ва адабиёти фанидан дарс бериб келади. Гулнора опа бағри кенг инсон. Арзимас нарсаларга жажли чиқмайди, ўқувчиларига бор меҳрини беради. Шогирдларидан доимо хурсанд. Ўз касбининг нақадар шарафли ва машаққатли эканини ҳис қилган ўқитувчи учун шогирдларининг бир марта "Устоз" деб қақаришларидан ортиқ бахт ва рағбат йўқ, аслида.

Ҳамидулла УБАЙДУЛЛАЕВ,  
"Тошкент ҳақиқати" муҳбири  
Мансур ҲИММАТОВ  
олган сурат

### Ўқишга кира олмаган чемпион қиз вилоят ҳокими эътибори ортидан университет талабаси бўлди

Тошкент вилояти ҳокими вазифасини бажарувчиси Рустам Холматов оққўрғонлик спортчи қиз ва унинг оиласи билан учрашди.

Эътибор

Бу ҳақда вилоят ҳокимлиги ахборот хизмати маълум қилмоқда. Оққўрғонлик Шаҳноза Назарова 11 йилдан буён спортнинг кикбоксинг тури билан шуғулланади. Ўтган йиллар мобайнида мамлакатимизнинг турли ҳудудларида ўтган республика чемпионатлари, халқаро мусобақаларда ғолиб ва совриндор бўлди.

Жумладан, 14 ва 15 ёшида республика чемпионатларида кетма-кет зафар кучиб, икки карра Ўзбекистон чемпиони, деган шарафга муяссар бўлган.

Шаҳноза Назарова бу йил Чирчиқ шаҳридаги Олимпия захиралари коллежини та-

момлаб, таҳсилни Низомий номидаги Тошкент давлат педагогика университетининг жисмоний тарбия ва спорт йўналишида давом эттириш ниятида эди. Бироқ спортчига бир оз омад етишмади.

Тошкент вилояти ҳокими вазифасини бажарувчиси Рустам Холматов Шаҳноза Назарова ва унинг онаси билан учрашиб, Шаҳнозадек спортчи ёшлар мамлакатимиз келажаги экани, бу каби ёш спортчилар жаҳонда Ўзбекистон номини юксакка кўтариши лозимлигини таъкидлади. Шу ерда вилоят раҳбари олий таълим муассасалари ректорлари билан телефон орқали мулоқот



ўтказиб, Шаҳноза Назарованинг келгуси таҳсилини муҳокама қилди.

Муҳокамалар сўнггида маълум бўлдики, чемпион қиз Тошкент давлат педагогика университетида таҳсилни давом эттиради. Бунинг учун вилоят ҳокимлиги Шаҳноза Назарованинг тўлов-шартномасини амалга оширади. Учрашув доирасида Рус-

там Холматов вилоят жисмоний тарбия ва спорт бошқармасига вилоятнинг чекка-чекка ҳудудларида яшовчи Шаҳноза Назарова каби қобилиятли ва тиришқоқ ёшларни излаб топиш ва уларни ҳар томонлама қўллаб-қувватлаш вазифасини топширди.

Авазбек ХУДОЙҚУЛОВ,  
ЎзА

Дарвоқе

Жамиятда сўз эркинлигини таъминлаш, оммавий ахборот воситаларини қўллаб-қувватлаш борасидаги ишларнинг натижаси ўлароқ, бугун ОАВлари, ижтимоий тармоқлар орқали юртдошларимиз, журналист ва блогерларнинг ў еки бу масалада билдираётган, айрим давлат хизматчиларининг фаолиятидан норози бўлиб айтилатган танқидий фикрлари жойларда ҳал этилиши лозим бўлган кўплаб долзарб масалаларни кун тартибига қўймоқда.

### ИСЛОҲОТЛАРИНИНГ МИЛЛИЙ ЮКСАЛИШ БОСҚИЧИДА

Бишкекнинг қадимий таърихнинг замонавий тизими қандай бўлиши керак?

Бу каби танқидий фикрлар кўп ҳолларда қўйи бўғинларда ишлаётган масъул давлат хизматчиларининг ўз вазифасини чуқур билмаслиги, бугунги кун, янги давр талабига мос равишда иш олиб бориш салоҳиятига эга эмаслиги ёки уларда масъулият ва жавобгарлик ҳиссининг етишмаслиги оқибатида юзага келатганлиги ҳам бор гап. Айрим ҳолларда қайсидир бир давлат идорасидаги масъул ходимнинг биргина ноўрин хатти-ҳаракати, соҳадаги ислоҳотлар, қонунчиликда белгиланган талаблардан беҳабарлиги оқибатида айтган ахбороти, унинг шахсий фикри баъзи бир "дўстларимиз" томонидан ахборот маконида жамоатчиликка гўёки давлат бошқаруви идораларининг позицияси, нуктаи назари сифатида тақдим этилиши ҳолатлари ҳам учрамоқда.

Давоми 2-бетда ➡

## АГРОСАНОАТНИ ЖАДАЛ РИВОЖЛАНТИРИШ

замонавий агрологистика марказлари барпо этишга, қишлоқ хўжалигида кооперациянинг кенгайишига олиб келади

Айниқса, жорий йил 29 июлда Президентимизнинг "Қишлоқ хўжалиги маҳсулотларини чуқур қайта ишлаш ва озиқ-овқат саноатини янада ривожлантириш бўйича қўшимча чора-тадбирлар тўғрисида"ги Қарори қабул қилингандан кейин қишлоқ хўжалиги маҳсулотлари ишлаб чиқарувчилар ва экспорт қилувчиларга молиявий кўмак янада кенгайтирилди. Масалан, 2019-2021 йилларда қишлоқ хўжалиги маҳсулотларининг асосий турларини қайта ишлаш ва экспорт қилишнинг прогноз кўрсаткичлари, агрологистика



Халқимиз азалдан деҳқончилик, қолаверса, мева-сабзавот маҳсулотлари етиштириш, уларни сақлаш ва қайта ишлаш бўйича бой тажрибага эга. Сўнгги йилларда давлатимиз томонидан соҳага қаратилаётган эътибор туфайли республикамиз қишлоқ хўжалигининг барча тармоқларини ривожлантириш борасида салмоқли ишлар амалга оширилмоқда.

Қарор ва ижро

комплекслари ва марказлари, самарасиз боғлар ўрнида интенсив усулларни қўллаш бўйича чора-тадбирлар ишлаб чиқиши катта аҳамиятга эга бўлди. Синов лабораторияларини

модернизация қилиш, импорт ўрнини босувчи қишлоқ хўжалиги маҳсулотларини қайта ишлаш бўйича инвестиция лойиҳаларини амалга ошириш режалари ҳамда қабул қилинадиган озиқ-овқат саноати соҳасидаги халқаро

стандартлар рўйхати тасдиқланди. Бунинг учун мамлакатимиз бўйича жами 1,3 миллиард АҚШ долларидан ортиқ маблағ йўналтириш режалаштирилди. Шунингдек, Осие таракқиёт банки иштирокида умумий қиймати 244,75 миллион АҚШ дол-

лари бўлган "Мева-сабзавотчилик тармоғида қўшилган қиймат занжирини инфратузилмасини ривожлантириш" лойиҳаси амалга оширилди. Биргина вилоятимизда 2019-2021 йилларда жами қиймати 1 024,5 миллиард сўм (шундан 350,2 миллиард сўм ташаббускорлар, 280,8 миллиард сўм банк кредити, 47,6 миллион АҚШ доллари хорижий инвестиция маблағлари), қуввати 286,8 минг тоннага мўлжалланган 30 та инвестиция лойиҳаларини ишга тушириш режалаштирилди.

Давоми 3-бетда ➡





### Куз хаёллари

Кузимизнинг гўзаллигин  
Огайнилар кўрганмисиз?  
Токдан узум, ердан қирқма,  
Шохдан беҳи узганмисиз?

Узум узиб, шарбат сузиб,  
Шиннига ўт ёққанмисиз?  
Гала-гала, шода-шода,  
Дув-дув ёнғоқ қоққанмисиз?



### Одамийлик шеваси

#### БИЗ АНГЛАМАГАН ҲАҚИҚАТ

– Муҳаббат қачон одамларни тарк этди, – сўради Бахт отасидан.  
– У ўлди, – деди отаси қайғуга ботиб. – Одамлар ўзларида борларининг қадрига етмайдилар. Улар ҳатто севишни ҳам билмайдилар.  
Йиллар ўтди. Бахт ҳам улғайди. У одамларга ёрдам бериш ҳақидаги вадасини эсларди. Аммо одамлар уни тушунишни истамасдилар. Бундан кўнгли ўксиган Бахт кундан-кунга кичрайди. Ер юзидан бутунлай йўқолиб кетишдан чўчиган Бахт узоқ сафарга отланди. У узоқ йўл босиб чарчади. Дам олгани даврахт соясида тўхтади. Кўзи илинган эди, кимнингдир қадам товушларидан чўчиб уйғонди. Қараса, боши узра унга термилиб, қарим-сиқ, кўзлари гилай, мункилаган кампир турибди.  
– Келинг, ўтиринг, чарчагандирсиз, онахон, – деди у.  
У ўзини ўтлоққа ташлаб, йиғлашга тушди.  
– Мени қари кампир деб ўйлаётсанми? Сен ҳақингда шундай деб ўйласалар алам қиларкан. Мен ахир ёшман. Исми Мухаббат.  
– Мен Бахт бўламан.  
– Қанақасига? Менга сени ёқимтой дейишгандику, – кампир шундай дея йиртиқ-ямоқ кўйлаги орасидан кўзгун чикариб, унга тўтди. Бахт аксига термилиб, йиғлаб юборди.  
– Бераҳм, багритош одамлар бизни не кўйларга солишди, – дея куйинди Бахт ўзининг нурсиз юзини кўли билан яшираркан.  
Мухаббат Бахтни бағрига босди.  
– Ҳечқиси йўқ, кўй, йиғлама! Биз бирга яшасак, тез орада яшариб, яна теклашамиз, – деди.  
Бахт ва Мухаббат ўша кунни дарахт остида айрилмасликка олт ичдилар. Шундан бери кимнинг хаётини муҳаббат тарк этса, бахт ҳам у билан бирга кетади. Афсуски, одамлар буни ҳалигача англаб етганлари йўқ.

### СПОРТ | СПОРТ | СПОРТ | СПОРТ | СПОРТ | СПОРТ



#### ВИЛОЯТИМИЗ СПОРТЧИЛАРИ ОЛИМПИДАГА БОРАДИ

2020 йил Япониянинг Токио шаҳрида бўлиб ўтадиган XXXII ёзги Олимпия ва XVI Паралимпия ўйинларида вилоятимиздан 44 нафар спортчи иштирок этиши кутилмоқда. Ҳозирда уларнинг 4 нафари йўланмани нақд қилди (3 нафар паралимпиячи ва 1 нафар олимпиадчи).


#### Жаҳон чемпионати: ҲАМЮРТИМИЗ БРОНЗА МЕДАЛИГА САЗОВОР БЎЛДИ

Нур-Султон шаҳрида спорт курашлари бўйича жаҳон чемпионатида терма жамоамиз муваффақиятли иштирок этмоқда.

Кеча 77 килограмм вазн тоифасида ҳамюртимиз Жалгасбай Бердимуратов бронза медали учун мусобақа мезбонларидан бири Асхат Дилмухаммедовга қарши баҳс олиб борди.  
Кескин ва муросасиз кечган беллашувада ҳамюртимиз 3:1 ҳисо-

бида галаба қозонди ва бронза медали билан тақдирланди.  
Эслатиб ўтамиз, бронза медали учун кечган бошқа бир баҳсда Элмурат Тасмуратов (60 кг) эронлик рақибига имкониятни бой бериб қўйди.

ЎЗА



Хали бир асрдан аввал Беҳбудий бобомиз айтганидек: "Бизни кемиргувчи иллатлар деганда, захму маразмими гумон этарсиз? Ёинки сил, сил ар-рия (ўпка сили) ё махволикими дерсиз? Сира бундай эмас. Бизни ич-ичимиздан емириб, каламушдек кемираётган иллатларимиз уволдан кўркмаслигимизда, мулла-жирингни ҳуда-беҳуда исроф этишимизда, дангалини айтганда, пул топиб, ақл топмаганимиздadir."

Яқинда аввал фейсбук, сўнг телеграмм тармоқлари орқали кўп-кўпнинг гашини келтирган бир видеоларча тарқалди. Ўша лавҳада янги қурилган кўп қаватли уйлardan бирининг остонасида карнай-сурнай садолари остида етти яшар болакай мактабга кузатилиши акс этган. Замонавий русумдаги автомобилда мактабга элиб кўйилган жажжи йигитчани бу каби иззат қилмоқ нечун? Ҳақроств, сира тушуна олмадим. Бир карнайчини айтамоқ 250-300 минг сўм талаб қилгандан кейин ортиқ сўз айтмоқ ортиқчадир...

Майли, орзу-ҳавас, деймиз... Болалик – подшолик, деймиз... Бирок, ҳар ненинг чеки-чегараси бор. Доно халқимиз "Шакарнинг ҳам

ози ширин", деб бекор айтмаган. Ёлғиз фарзанддир, ота-онанинг буру умидидир, дерсиз. Ота-она шунинг ваъдалашгандир ҳам, балки. Бир кунлик тадбир, ўтар-кетар-ку, демоқчидирсиз. Илло, эртага шундай эйтиборда улғайган бола иззатлаб бўлиб қолмасми? Ҳурмати сўроқламасми? Ҳа, ўрганган кўнгли

ўртаниб қолса... Буниси-ку, ўз йўлигадир. Бу каби дабдаба билан кўзи очилган бола вақти-соати келиб вояга етса, катта ҳаёт остонасида турган пайти унинг онгида умр фақат ва фақат мана шундай роҳату фароғатдан иборат, деган тушунча ўрнашиб қолмайдими?..

Ичимизни кемираётган яна бир бошқа иллатлар тўю томошаларимиздаги дабдабаозлик бўлса, бошқаси алпқомат куётўраларнинг букилиб салом солишларидир. Шу ўринда сенинг отанг салом солганимикин, буванг-чи, бувангининг отаси-чи, деб сўроққа тутадиган мард топилса, қошки.

Кенти Нурафшонда Полвонбой

деган бир давлатманд яшайди. Давлати беҳисоб. Биз Полвонбой топаннинг саногини олмоқ ниятида эмасмиз. Аммо, сарфи ҳақида икки оғир сўз айтмоқчимиз.  
Уша Полвонбой деганимиз яқинда ўғил уйлаб, келин олди. Элу юртга ошда юзлаб кишилар иштирок этди, никоҳ базмини-ю, пой-

тахтдаги донгдор қошонада ўтказди. Бари орзудагидай. Ҳавас билан боққанлар-да, ич-ичидан гаши келганлар-да бўлди. Бу тўйнинг таърифи кўпларнинг оғзига тушди. Лекин, барчаси бир ҳафтадан нари ўтмади. Одамлар борди, ош еди, тўй кўрди, гапирди, қўйди. Шундай экан, ортиқча харажатга не ҳожат? Шуларга сарф этилган чақалар одамларнинг уч-тўрт кунлик таърифлари учун эмас, бирор муҳтож оиланинг умрбод қувончига яраши мумкин эди-ку. Аммо, биз саховатининг эмас, шон-шухратнинг этагидан тутганмиз-да, афсус...  
Яна бир иллатимиз – ўқимаслигимиз. Баъзиларимиз кўнгиллари-

га олиб, хафа бўлмасинлар-у, тўрт энлик хат ёзишга ярамаймиз, эп-лаб ҳужжат тўлдирилмаймиз. Бирор ариза туғул, ном-нишонимизни-да ўнларча хатолар билан битармиз. Бир домламиз армиядан ўғли жўнатган мактубни отаси, онаси ва синглиси бир бўлиб ярмигача аранг ўқишганини куюниб гапирганини

### Кўзгудаги ўзимиз

кетган жонларига, тўхилган қонларига ачинмасларми? Наҳот, шулар бизнинг зурриётларимиз, дея ич-этларини тилмасларми?

Эшитган чикарсиз, таникли нотик бор. Таъбир жоиз бўлса, замонамиз Цицерони – Раҳим Жуманиёзов. У киши бир даврада нотик, нотиклик санъати ҳақида сўз юрита туриб, даврадагиларнинг қай бири газетани унинг номидан тортиб, сарлавҳа-мақолаларию сўнги саҳифасидаги навбатчи муҳаррирнинг исм-шарифига ҳам ўқиниб сўраб қолди. Аҳвол оқоридидагидай: ҳеч зоғ мен, дея кўкрак кера олмади. Шунда Раҳим Жуманиёзов газетани ана шундай ўқиш билангина чинакам нотик бўлиб етишиш мумкинлигини алоҳида таъкидлади...

Хулоса шуки, бу иллатлардан озод бўлиб, топанганимизни эзгу ва хайрли ишларга, илму маърифатга сарфлаб, ўқиб, ўрганиб, билим йўлида мунтазамлик касб этмас эканмиз, жаҳонда обрў топиш у ёқда турсин, келгуси авлодимиз учун ифтихор бўлмоқчилигимиз ҳам каттақон сўроқ остида қолади-ёв...

Мавлоно НУРАФШОНИЙ

**ТОШКЕНТ ҲАҚИҚАТИ**  
**ТАШКЕНТСКАЯ ПРАВДА**  
Муассис:  
**Тошкент вилояти ҳокимлиги**

Бош муҳаррир  
**Файрат ШЕРАЛИЕВ**

Манзилимиз:  
111500, Нурафшон шаҳри,  
Тошкент йўли кўчаси, 90.  
Тошкент шаҳридаги  
офисимиз:  
100000, Матбуотчилар  
кўчаси, 32.

Қабулхона:  
Бош муҳаррир ўринбосари:  
Масъул котиб:  
Бўлим муҳаррирлари:  
Эълолар ва ҳисоб-китоб бўлими:  
Электрон почта: toshkenthqiqati@gmail.uz

Телефонлар:  
(71) 233-64-95, (71) 233-58-85 (факс)  
(71) 233-70-10  
(71) 233-90-82  
(71) 233-38-23, (71) 233-48-08  
(71) 233-65-59, (71) 233-54-10

Тошкент вилояти  
Ахборот ва оммавий  
коммуникациялар бошқармасида  
2011 йил 12 январда 03-001 рақами  
билан рўйхатга олинган.  
Газета «Тошкент ҳақиқати»  
тарихияти компьютер маълумоти  
терийди ва Тоҳир Маҳмудқўшев  
томонидан саҳифаланди.

Навбатчи муҳаррир  
**Кумуш ЭГАМБЕРДИЕВА**  
Назоратчи мусоҳиҳ  
**Аллома АЗИЗОВА**  
Навбатчи  
**Мансур ҲИММАТОВ**